

## ოქმი № 17

საფინანსო-საბიუჯეტო კომისიის და ეკონომიკის, ქონების მართვისა და საქალაქო  
მეურნეობის კომისიის გაერთიანებული სხდომისა

ქუთაისი, 2023 წლის 27 ივნისი, 14 სთ

სხდომის ჩატარების ადგილი:  
საკონფერენციო დარბაზი, ოთახი 210.  
ქალაქი ქუთაისი, რუსთაველის გამზირი N3

სხდომის სპიკერები: საკრებულოს საფინანსო-საბიუჯეტო კომისიის თავმჯდომარე,  
ბატონი ბ.მახარაძე და ეკონომიკის, ქონების მართვისა და საქალაქო მეურნეობის კომისიის  
თავმჯდომარე ბატონი ა.კოპალეიშვილი.

ესწრებოდნენ: საკრებულოს საფინანსო-საბიუჯეტო კომისიის წევრები: ზ.მამასახლისი,  
გ.ბასილაძე, ა.კოპალეიშვილი, მ.ნიუარაძე, კ.გურული, ი.შენგელია, მ.სიმონიძე, პ.ლილუაშვილი,  
მ.ჭობონელიძე, ე.არჩაია.

სულ: კომისიის 11 წევრი.

არ ესწრებოდა: გ.მანაგაძე, გ.კილაძე, დ.ბახტაძე, რ.ქვაჩაკიძე, დ.ფხავაძე.

სხდომის მუშაობაში მონაწილეობდენ: ქალაქ ქუთაისის მუნიციპალიტეტის მერის მოადგილე  
ბატონი ი.უგულავა, საფინანსო პოლიტიკისა და სახელმწიფო შესყიდვების სამსახურის  
განყოფილების უფროსი ტ.მაკარიძე, მუნიციპალური და საბინაო ინფრასტრუქტურის  
განვითარების სამსახურის ხელმძღვანელის მოადგილე, ბატონი მ.ხიდაშელი და ეკონომიკური  
განვითარების, ადგილობრივი თვითმმართველობის ქონებისა და ტრანსპორტის მართვის  
სამსახურის ხელმძღვანელი ქალბატონი თ.ბერიშვილი.

სხდომა გახსნა საფინანსო-საბიუჯეტო კომისიის კომისიის თავმჯდომარემ, ბატონმა  
ბ.მახარაძემ და წარმოადგინა კომისიის სხდომის შემდეგი დღის წესრიგი:

- „ქალაქ ქუთაისის მუნიციპალიტეტის 2023 წლის ბიუჯეტის დამტკიცების შესახებ“ ქალაქ  
ქუთაისის მუნიციპალიტეტის საკრებულოს 2022 წლის 28 დეკემბრის N55 დადგენილებაში  
ცვლილების შეტანის თაობაზე;

ბატონი დავით ნიშნიანიძე  
ქალაქ ქუთაისის მუნიციპალიტეტის მერის პირველადი  
სტრუქტურული ერთეულის-საფინანსო პოლიტიკისა და  
სახელმწიფო შესყიდვების სამსახურის ხელმძღვანელი

- „საქართველოს სახელმწიფო ბიუჯეტით გათვალისწინებული, საქართველოს  
რეგიონებში განსახორციელებელი პროექტების ფონდიდან ქალაქ ქუთაისის მუნიციპალიტეტში  
2021-2024 წლებში დასაფინანსებელი პროექტების საპროექტო წინადადებების მოწონების შესახებ“  
ქალაქ ქუთაისის მუნიციპალიტეტის საკრებულოს 2021 წლის 27 იანვრის N347 განკარგულებაში  
ცვლილების შეტანის თაობაზე;

ბატონი ანტონ ჩიხლაძე

ქალაქ ქუთაისის მუნიციპალიტეტის მერიის პირველადი  
სტრუქტურული ერთეულის-მუნიციპალური და საბინაო  
ინფრასტრუქტურის განვითარების სამსახურის ხელმძღვანელი

3. მდგრადი განვითარების მიზნების ქალაქ ქუთაისის მუნიციპალიტეტის დოკუმენტის  
მოწონების შესახებ;

ქალბატონი თინათინ ბერიშვილი  
ქალაქ ქუთაისის მუნიციპალიტეტის მერიის ეკონომიკური  
განვითარების, ადგილობრივი თვითმმართველობის ქონებისა  
და ტრანსპორტის მართვის სამსახურის ხელმძღვანელი

4. „ქალაქ ქუთაისის მუნიციპალიტეტის ქონების საპრივატიზაციო და სარგებლობაში  
გასაცემი ობიექტების ნუსხის დამტკიცების შესახებ“ ქალაქ ქუთაისის მუნიციპალიტეტის  
საკრებულოს 2021 წლის 16 მარტის N359 განკარგულებაში ცვლილების შეტანის თაობაზე;

ქალბატონი თინათინ ბერიშვილი  
ქალაქ ქუთაისის მუნიციპალიტეტის მერიის ეკონომიკური  
განვითარების, ადგილობრივი თვითმმართველობის ქონებისა  
და ტრანსპორტის მართვის სამსახურის ხელმძღვანელი

5. „ქალაქ ქუთაისის მუნიციპალიტეტის ქონების პრივატიზაციისა და სარგებლობაში  
გასაცემი ობიექტების გეგმის დამტკიცების შესახებ“ ქალაქ ქუთაისის მუნიციპალიტეტის  
საკრებულოს 2023 წლის 29 მარტის N177 განკარგულებაში ცვლილების შეტანის თაობაზე;

ქალბატონი თინათინ ბერიშვილი  
ქალაქ ქუთაისის მუნიციპალიტეტის მერიის ეკონომიკური  
განვითარების, ადგილობრივი თვითმმართველობის ქონებისა  
და ტრანსპორტის მართვის სამსახურის ხელმძღვანელი

6. ქალაქ ქუთაისის მუნიციპალიტეტის საკუთრებაში არსებული უძრავი ქონების,  
პირდაპირი განკარგვის წესით (სასყიდლით, პირობებით), იჯარის ფორმით, შეზღუდული  
პასუხისმგებლობის საზოგადოება „გლაკოსათვის“ სარგებლობაში გადაცემის თაობაზე, ქალაქ  
ქუთაისის მუნიციპალიტეტის მერისათვის თანხმობის მიცემის შესახებ;

ქალბატონი თინათინ ბერიშვილი  
ქალაქ ქუთაისის მუნიციპალიტეტის მერიის ეკონომიკური  
განვითარების, ადგილობრივი თვითმმართველობის ქონებისა  
და ტრანსპორტის მართვის სამსახურის ხელმძღვანელი

7. ქალაქ ქუთაისის მუნიციპალიტეტის საკუთრებაში არსებული ქონების, (მისამართი:  
ქალაქი ქუთაისი, ჭავჭავაძის გამზირი N53ბ) პირდაპირი განკარგვის წესით (სასყიდლით,  
პირობებით), იჯარის ფორმით, მოქალაქეებისათვის სარგებლობაში გადაცემის თაობაზე, ქალაქ  
ქუთაისის მუნიციპალიტეტის მერისათვის თანხმობის მიცემის შესახებ;

ქალბატონი თინათინ ბერიშვილი  
ქალაქ ქუთაისის მუნიციპალიტეტის მერიის ეკონომიკური  
განვითარების, ადგილობრივი თვითმმართველობის ქონებისა  
და ტრანსპორტის მართვის სამსახურის ხელმძღვანელი

**კენჭი ეყარა დღის წესრიგს და ერთხმად დამტკიცდა.**

საფინანსო-საბიუჯეტო კომისიის თავმჯდომარე ბ.მახარაძე: „დღის ჩვენ ვატარებთ საფინანსო-საბიუჯეტო კომისიის და ეკონომიკის, ქონების მართვის და საქალაქო მეურნეობის გაერთიანებულ სხდომას. დღის წესრიგი და მასალები კომისიის წევრებთან წინასწარ გადმოიგზავნა.“

სანამ უშუალოდ სხდომის დღის წესრიგის კენჭისყრას დავიწყებთ, მინდა ერთი ინფორმაცია მოგაწოდოთ: როგორც მოგეხსენებათ, USAID-ს მხარდაჭერით მუშავდება ჩვენი კომისიის სტატეგიული გეგმა. ბოლო შეხვედრა ონლაინ რეჟიმში გვქონდა 22 ივნისს. მორიგი შეხვედრა იგეგმება 29 ივნისს, 14 საათზე. სტრატეგიის პროექტი გადმოგზავნილი გაქვთ. გთხოვთ პარასკევს შემოხვიდეთ ონლაინ, ჩვენგან გამოგზავნილ ბმულზე, რომელიც მოგეწოდებათ და მონაწილეობა მიიღოთ სტრატეგიის განხილვისადმი მიძღვნილ მორიგ შეხვედრაში.

ახლა მთავარ საკითხზე გადავიდეთ. დღის წესრიგის მიხედვით გათვალისწინებულია ბიუჯეტის მესამე ცვლილების განხილვა. სასიამოვნო ცვლილება გვაქვს ბიუჯეტში, რომელიც მისი 180,1 ათასი ლარით ზრდას ითვალისწინებს. კერძოდ, დაკორექტირდა საქართველოს მთავრობის 2022 წლის 26 დეკემბრის N2435 და საქართველოს მთავრობის 2023 წლის 20 იანვრის N116 განკარგულებები. საბიუჯეტო სახსრების ნაწილში განხორციელდა პროგრამულ კოდებს შორის თანხების გადატანა. ამით შემოსავლები და ხარჯები გაიზარდა. უფრო დეტალურად ამ ცვლილებას ბატონი ტარიელ მაკარიძე გაგვაცნობს“.

1. მოისმინეს: მერიის საფინანსო პოლიტიკისა და სახელმწიფო შესყიდვების სამსახურის განყოფილების უფროსის ტ.მაკარიძის ინფორმაცია 2023 წლის ბიუჯეტის მე-3 ცვლილების შესახებ: „ცვლილების მიზანი იყო ქალაქ ქუთაისის მუნიციპალიტეტის ფუნქციებისა და ვალდებულებების შესრულების მიზნით მისაღები შემოსულობების და გადასახდელების ნუსხის დამტკიცება საბიუჯეტო კლასიფიკაციის შესაბამისად. კერძოდ, ცვლილებები შევიდა მთავრობის განკარგულებებში, რომელიც ახსენა ბატონმა ბექამ. N2475 განკარგულების ცვლილებით დაგვემატა 9,1 ათასი ლარი, ხოლო N116 განკარგულებით - 71 ათასი ლარი. საკუთარი შემოსავალი გაიზარდა 100 ათასი ლარით, რამაც ბიუჯეტი საბოლოოდ 180,1 ათასი ლარით გაზარდა. მესამე ცვლილების შედეგად ქალაქ ქუთაისის მუნიციპალიტეტის ბიუჯეტის მთლიანი ასიგნება ორგანიზაციული კლასიფიკაციის მიხედვით შეადგენს 125 908,8 ათას ლარს“.

### **აზრი გამოთქვეს:**

ქალაქ ქუთაისის მუნიციპალიტეტის მერის მოადგილე, ი.უგულავა: „რამდენიმე საკითხზე მინდა მოგახსენოთ. ჯერ ერთი, სტიქიის შედეგების აღმოფხვრის მიზნით ბიუჯეტი კვლავ გაიზრდება. ამისათვის ჩვენ გადავაგზავნეთ მოთხოვნა 1 მლნ. ლარზე. გასაკეთებელია საყრდენი კედელი გაფრინდაშვილის ქუჩაზე, ასევე თანხები ჭირდება წყალტუბოს ქუჩასაც. ახლა ვხარჯავთ 401 ათას ლარს. პროექტირება გამოცხადებულია და ეს თანხა მიღიონ ლარამდე გაიზრდება.“

მეორე - ტრანსპორტზე სუბსიდია შევამცირეთ 400 ათასი ლარით, თუმცა რეზერვი კიდევ დავიტოვეთ დაახლოებით 300 ათასი ლარი. შემცირებას ვგეგმავდით. საწვავზე ფასები შემცირდა

და ამოღება 20%-ით გაიზარდა. ჩვენ მათ ვუძენთ მხოლოდ საწვავს, ხელფასს თვითონ იფინანსებენ“.

საფინანსო-საბიუჯეტო კომისიის წევრი მ.სიმონიძე: „რამდენით გაიზარდა ამოღება?“

ი.უგულავა: „დაახლოებით 20%-ით, რაზეც დადებითად იმოქმედა კონტროლის გამკაცრებამ და ჯარიმებმა. თუმცა პრობლემა მაინც სკოლის მოსწავლეებია, რომლებიც მასიურად არ იხდიან და ვერც ვაჯარიმებთ. ვიცი ახლა რასაც მეტყვით მათ შეღავათებზე. ჩვენ 6 თვის შედეგებით შევისწავლით ამ საკითხს და მოგახსენებთ ამის შესახებ“.

ეკონომიკის, ქონების მართვისა და საქალაქო მეურნეობის კომისიის წევრი მ.კოსტავა: „ტრანსპორტის კუთხით რთული მდგომარეობაა გელათის ქუჩაზე. მოსახლეობა გამოთქვამს უკამაყოფილებას და შეიძლება ხვალ სხდომაზეც მოვიდნენ. მე ვერ ვაძლევ მათ პასუხს ამის თაობაზე“.

ი.უგულავა: „თბილისის ერთ-ერთმა კომპანიამ ჩაატარა პვლევა სვლაგეზებთან დაკავშირებით. დაახლოებით ათ დღეში წარმოადგენს შედეგების პრეზენტაციას. იცვლება კერძო სვლაგეზების 80%. ჩვენ გვინდოდა 10 მიკროავტობუსის შეძენა 1,1 მლნ. ლარად, მაგრამ სამინისტრომ კორექტივები შეიტანა და ავტობუსების შეძენა გადაწყდა. თუმცა, ლანდშაფტის გათვალისწინებით, ჩვენ მაინც შევიძენთ მიკროავტობუსებს ცალკე ტენდერით. ახალ სვლაგეზებს გაგაცნობთ, სადაც ასეთი რთული მონაკვეთებიც იქნება და ვიმსჯელოთ ამის შესახებ“.

საფინანსო-საბიუჯეტო კომისიის წევრი მ.ნიუარაძე: „გელათის ქუჩაზე მართლაც რთული მდგომარეობაა. რა შეიძლება გაკეთდეს, რომ ამ ხალხს ტრანსპორტზე წვდომა ქონდეთ?“

ი.უგულავა: „მე გთავაზობთ ჯერ ვნახოთ შემოთავაზებული სვლაგეზები და თუ ეს მონაკვეთი წამგებიანი აღმოჩნდა, მერია აიღებს მას და ჩვენ დავიწნავთ ტრანსპორტს. ამას ცოტა დრო დაჭირდება“.

საფინანსო-საბიუჯეტო კომისიის წევრი მ.სიმონიძე: „იგივე მდგომარეობაა ავანგარდშიც. ამაზე მეც ხშირად მაწუხებენ. ტრანსპორტი იშვიათად დადის და სამსახურამდე მისვლა უჭირთ“.

ი.უგულავა: „გეთანხმებით. ამ პრობლემაზე თითქმის ყოველ მეორე დღეს შემოდის წერილი. ვიმსჯელოთ იმ ახალ სქემებზე და მერე წამგებიან სვლაგეზებს ჩვენ „წამოვიდებთ“ და დავალაგებთ, როგორც მოგახსენეთ“.

საფინანსო-საბიუჯეტო კომისიის წევრი ტ.ლილუაშვილი: „აეროპორტთან დამაკავშირებელ ავტობუსებზე რა მდგომარეობა?“

ი.უგულავა: „როგორც ადრე ვისაუბრეთ, დაველოდოთ გრანტს და მოგვარდება იმ 2 ავტობუსის საკითხიც“.

საფინანსო-საბიუჯეტო კომისიის წევრი კ.გურული: „სუბსიდიის შემცირება გამოიწვია საწვავზე ფასების შემცირებამ, თუმცა ბოლო პერიოდში ისევ გაიზარდა საწვავზე მსოფლიო ფასები. ამ შემთხვევაში რას ვაკეთებთ?“

ი.უგულავა: „ჩვენ მიზმული ვართ კონსოლიდირებულ ტენდერზე, რომელიც ნაკლებ საფრთხეებს შეიცავს. ამ გადაწყვეტილებას წინ უძლვოდა ბოლო თვეების სტატისტიკის შესწავლა ჩვენს მიერ. თუმცა, როგორც მოგახსენეთ, ტრანსპორტის სუბსიდირებაში გარკვეული რეზერვი კიდევ გვაქვს“.

საფინანსო-საბიუჯეტო კომისიის თავმჯდომარე ბ.მახარაძე: „თუ სხვა შეკითხვები არ გვაქვს, კენჭი ვუყაროთ წარმოდგენილ საკითხს“.

კენჭი ეყარა წარმოდგენილ საკითხს: მომხრე 11, წინააღმდეგი - არც ერთი.

დაადგინეს: მხარდაჭერილ იქნას 2023 წლის ბიუჯეტის მესამე ცვლილება.

ქ.ქუთაისის მუნიციპალიტეტის  
საკრებულოს საფინანსო-საბიუჯეტო  
კომისიის თავმჯდომარე

  
ბაქარ მახარაძე